

Dictee 2010 door Nel Slager

Waer à 'n klein durp groôt in kan weze.

Wat è ze op Vosmeer vee afvergaederd de lesten tied.

Z' ò geld zat, mà de groôte vraeg was: oe mò m'n 't aomae vòmeakaore kriege om d'r 'n aollemenselijks moôti tweeduuzendtien van te maeken, want ons durp bestaet dan zes'onderd jaer.

In vuuftienachtenzeventig bin m'n bekan van de kaerte gevoge deur 'n groôte brand.

De Waalse troepen van de Prins van Oranje è 'ier gevochte tegen de Spanjaerden.

Die tied è m'n g'ad.

Vosmeer is een ander durp as de rest van 't eiland, aoltied à gewist en 't zà ok wè zo bluve.

Ons è wè verschillende opvattiengen, mà bin wè geliek gestemd à 't 'r op an komt.

Toen de durpen in de jaeren zeventig saemengevoegd moste woôre, was 't: 'anden af van Vosmeer!

't Ei nie g'olpe, 't was allankà beslist, mà me liete wè zien dà m'n 't seêns waere.

Waer vin j' 'n durp waer à zovee te doen is en dan aomae mit vriewilligers?

Ons è noe ok 'n volkslied, 'Vosmeers Lof', 'n vlagge en 'n lekker Vosmeers wientje.

Wat dien je van 't toneêlspektaekel, "t Geheim van Vosmeer"?

Roosevelt kwam zelf deur de mist nae buten omdat 'n wist dat 'ier z'n wortels laege.

De schoolkinders konne d'r ok wat van, ons è talent in uus.

Bie aolle feêstelijk'eden è m'n nog kermis, wielerronde en ok durpetocht.

D'r is te vee om op te noemen.

À je op Vosmeer weunt, gae je d'r nie gauw weg.

Dat merk je ok an d' import; z' è geên inburgeriangscursus nôdig, wè om Zeêuws te lêre schrijven.

Ons zienge nie vò niks: "Waer à 'k ter waereld ok belande, m'n oôd is ier op Vossemeer."

Arjaon van Kee Flienck zei vroeger à: "Bie leven en welwezen 'oop ik 'ier te sterven."

Zo is 't mà net.